

ANEXI

UGOVORA O KONCESIJI ZA KORIŠTENJE VODE IZVORIŠTA "PLAVA VODA" U TRAVNIKU ZA JAVNO SNABDIJEVANJE VODOM OPĆINA TRAVNIK, NOVI TRAVNIK, VITEZ, BUSOVAČA I ZENICA

UGOVORNE STRANE

1. **Bosna i Hercegovina, Federacija Bosne i Hercegovine, Federalno ministarstvo poljoprivrede, vodoprivrede i šumarstva** (u daljem tekstu: Davalac koncesije), koju zastupa ministar Jerko Ivanković -Lijanović
2. **JP Regionalni vodovod "Plava voda" Travnik** (u daljem tekstu: Korisnik koncesije), koji zastupa direktor mr.sc. Ernad Granić, dipl.ing.

Član 1.

U skladu sa Zakonom o koncesijama Federacije BiH ("Službene novine Federacije BiH", br. 40/02 i 61/06), Zaključkom Vlade Federacije BiH V broj: 137/2008 od 21.02.2008. godine, prethodno pribavljenom saglasnosti datoj Odlukom Vlade Federacije BiH, V. broj: 1252/2011 od 17.11.2011. godine i Ugovorom o koncesiji za korištenje vode izvorišta "Plava voda" u Travniku za javno snabdijevanje vodom općina Travnik, Novi Travnik, Vitez, Busovača i Zenica, ugovorne strane, slobodno izraženom voljom ovim Aneksom (u daljem tekstu: Aneks ugovora) uređuju međusobne odnose, prava, obaveze i odgovornosti.

Član 2.

U članu 2. Ugovora o koncesiji za korištenje vode izvorišta "Plava voda" u Travniku za javno snabdijevanje vodom općina Travnik, Novi Travnik, Vitez, Busovača i Zenica broj: 01-02-1234/00 od 30.06.2000. godine, iza stava 1. dodaje se novi stav koji glasi:

"Korisnik koncesije dužan je staviti u funkciju regionalni vodovodni sistem i isporučiti prve količine vode prema bar jednom privrednom društvu ovlaštenom za vodosnabdijevanje vodom jedne od navedenih općina iz stava 1. ovog člana u roku od dvije godine od dana potpisivanja ovog Aneksa ugovora."

Dosadašnji st. 2. i 3. postaju redom st. 3. i 4.

Član 3.

Član 5. stav 1. mijenja se i glasi:

"Korisnik koncesije će redovno putem instaliranih kumulativnih vodomjera registrovati ukupnu količinu vode koju zahvata sa izvorišta za namjenu za koju se koncesija daje. Očitanje registrovanih količina vode, dostavljanje podataka o registrovanim količinama vode, kao i omogućavanje uvida u iste ovlaštenim

predstavnicima Komisije za koncesije Federacije BiH (u daljem tekstu: Komisija za koncesije), vršiće se u skladu sa važećim propisima.

Stav 3. briše se.

Član 4.

Člana 6. stav 1. mijenja se i glasi:

"Podaci o količinama zahvaćene i iskorištene vode utvrđeni u skladu sa članom 3. ovog Aneksa ugovora, podaci o knjigovodstvenoj evidenciji zahvaćenih količina vode i podaci iz godišnjeg obračuna korisnika koncesije su osnova za utvrđivanje ukupne količine iskorištene vode."

Član 5.

Član 7. mijenja se i glasi:

"Koncesija za zahvatanje i korištenje vode na izvorištu „Plava voda“ se daje na rok od 30 (slovima: trideset) godina.

Po isteku roka iz stava 1. ovog člana korisnik koncesije je dužan izvršiti radove revitalizacije izvorišta Plava voda."

Član 6.

U članu 8. riječi: "sa članom 6. Uredbe o koncesijama na vodama i javnom vodnom dobru" zamjenjuju se riječima: "sa članom 29. stav 2. Zakona o koncesijama".

Član 7.

Član 9. mijenja se i glasi:

„Korisnik koncesije je dužan da plaća naknadu za korištenje koncesije:

- od dana stavljanja u funkciju regionalnog vodovodnog sistema, ukoliko se isti stavi u funkciju prije isteka roka iz člana 2. ovog Aneksa ugovora;
- od dana isteka roka iz člana 2. ovog Aneksa ugovora

Korisnik koncesije je dužan da plaća naknadu za korištenje koncesije u visini tekuće koncesione naknade navedene u članu 9. ovog Aneksa ugovora .

Korisnik koncesije je dužan plaćati iznos godišnjeg honorara Komisiji za koncesije u iznosu od 5000 KM (slovima: pet hiljadak konvertibilnih maraka) za provođenje aktivnosti utvrđenih u članu 13. Zakona o koncesijama.

Korisnik koncesije dužan je na ime garancije stavljanja u pogon regionalnog vodovodnog sistema u roku iz člana 2. stav 2. ovog Aneksa ugovora uplatiti iznos od 1,5% od vrijednosti ukupne investicije izgradnje regionalnog vodovodnog sistema iskazane u Studiji ekonomske opravdanosti, što iznosi: 602.039,12KM. (slovima: šeststotina dvijehljade trideset devet konvertibilnih maraka i dvanaest feninga), u roku od 30 dana od dana potpisivanja ovog Aneksa ugovora u Budžet Federacije, odnosno visina istog iznosa će se garantirati budžetima općina osnivača JP Regionalni vodovod "Plava voda" Travnik srazmjerno odnosu u udjelu istog, i to u vremenskom trajanju roka iz člana 2. stav 2. ovog Aneksa ugovora.

Korisnik koncesije je dužan obračunavati i plaćati i druge obaveze u skladu sa važećim propisima o vodama."

Član 8.

Član 10. mijenja se i glasi:

"Osnovica za utvrđivanje godišnje (tekuće) koncesione naknade iz člana 7. stav 1. alineja 1. ovog Aneksa ugovora je prihod ostvaren od obavljanja koncesione djelatnosti iskazan u glavnoj knjizi i pomoćnim knjigama, kao i podaci utvrđeni nadzorom i provjerom rada korisnika koncesije. Visina ostvarenog prihoda od obavljanja koncesione djelatnosti treba biti potvrđena u godišnjem izvještaju o reviziji finansijskih izvještaja neovisnog revizora angažovanog od strane korisnika koncesije.

Do stavljanja u funkciju regionalnog vodovodnog sistema, za slučaj iz člana 7. stav 1. alineja 2. ovog Aneksa ugovora, osnovica za utvrđivanje godišnje (tekuće) koncesione naknade je projektovani godišnji prihod iz Studije ekonomske opravdanosti."

Član 9.

Član 11. mijenja se i glasi:

"Godišnja (tekuća) koncesiona naknada za korištenje vode sa izvorišta "Plava voda" u Travniku za javno snabdijevanje vodom općina Travnik, Novi Travnik, Vitez, Busovača i Zenica iznosi 1,86 % od godišnjeg prihoda ostvarenog od obavljanja koncesionih djelatnosti iskazanog u glavnoj knjizi i pomoćnim knjigama Korisnika koncesije, kao i podacima utvrđenih nadzorom i provjerom rada Korisnika koncesije.

Naknada iz stava 1. ovog člana ne može biti manja od 1,5% od projektovanog godišnjeg prihoda iskazanog u studiji i/ ili predstudiji ekonomske opravdanosti, što iznosi 154 252,66 KM

(slovima: stotinupedestčetirihiljadedvjestotinepedesetdvije konvertibilne marke i šezdesetšest feniga).

Za slučaj iz člana 7. stav 1. alineja 2. ovog Aneksa ugovora, odnosno do stavljanja u funkciju regionalnog vodovodnog sistema, godišnja (tekuća) koncesiona naknada iznosi 1,5% od projektovanog godišnjeg prihoda iskazanog u Studiji ekonomske opravdanosti."

Član 10.

Član 12. mijenja se i glasi:

"U slučaju promjene propisa o koncesijama koje se odnose na utvrđivanje stopa za plaćanje naknade za korištenje koncesije ugovorne strane će sporazumno utvrditi iznos i osnovicu za plaćanje naknade za korištenje koncesije po ovom Aneksu ugovora, koja će važiti od dana izmjene tih propisa."

Član 11.

Član 13. mijenja se i glasi:

"Naknada iz člana 7. st. 1. i 2. ovog Aneksa ugovora plaća se u četiri jednake rate tokom godine sa dospijecom svake pojedine rate posljednjeg dana svakog tromjesečja. U slučaju kašnjenja plaćanja naknade iz člana 7. st. 1. i 2. ovog Aneksa ugovora, obračunavat će se zakonska zatezna kamata.

Korisnik koncesije dužan je obezbjediti plaćanje koncesione naknade putem bankarske garancije za svaku narednu poslovnu godinu, odnosno planiranjem sredstava u budžetu osnivača Korisnika koncesije."

Član 12.

Član 14. briše se.

Član 13.

Član 16. mijenja se i glasi:

"Korisnik koncesije omogućit će ovlaštenim licima iz člana 3. stav 1. ovog Aneksa ugovora:

- pristup u objekat ili imovinu u bilo koje primjereno vrijeme;
- proučavanje i umnožavanje knjiga, zapisnika, izvještaja, spisa i drugih dokumenata koje zatraži davaoc koncesije a koji se odnose na aktivnost koncesije, uključujući i provjeru istih."

Član 14.

Član 17. mijenja se i glasi:

"Korisnik koncesije nema pravo da svoja prava, obaveze i odgovornosti iz rješenja o dodjeli koncesije naznačenog u članu 1. Osnovnog ugovora i iz ovog Aneksa Ugovora prenese na drugo pravno lice bez saglasnosti Komisije za koncesije.

Izuzetno, u slučaju da korisnik koncesije ne ispuni preuzetu obavezu prema međunarodnoj finansijskoj instituciji čiji je član Bosna i Hercegovina, ugovor o koncesiji može se prenijeti na tu međunarodnu finansijsku instituciju bez saglasnosti Komisije za koncesije."

Član 15.

Iza člana 20. dodaje se novi član 20a. koji glasi:

"Član 20a.

Korisnik koncesije je dužan obavljati djelatnost koja je utvrđena kao predmet koncesije i ne može je proširiti mimo obima utvrđenog ugovorom o koncesiji.

Korisnik koncesije je obavezan pribaviti saglasnost Komisije za koncesije na standardni ugovor o pružanju usluga kojim se uređuje poslovni odnos Korisnika koncesije i korisnika usluga."

Član 16.

U članu 21. riječi: "do isteka roka iz člana 7. stav 1. ovog ugovora" zamjenjuju se riječima: "do isteka roka iz člana 5. stav 1. ovog Aneksa ugovora".

Član 17.

Član 22. mijenja se i glasi:

"Ugovor o koncesiji prestaje:

- istekom ugovorenog roka;
- otvaranjem stečajnog postupka nad korisnikom koncesije;

- zbog statusnih promjena kod korisnika koncesije ukoliko korisnik koncesije, odnosno njegov pravni nasljednik o statusnoj promjeni ne obavijesti pismeno davaoca koncesije u roku od 90 dana od dana registrovane statusne promjene kod nadležnog suda;
- ako je korisniku koncesije pravosnažnom odlukom nadležnog suda ili organa uprave trajno zabranjeno obavljanje djelatnosti za koju je koncesioja data;
- ako je korisnik koncesije nesolventan ili ako bankrotira;
- raskidom ugovora o koncesiji.

U slučaju prestanka koncesije po osnovu iz stava 1. ovog člana pravo vlasništva na novoizgrađenim objektima i postrojenjima koje neposredno služa za ostvarenje koncesije prelaze na Federaciju BiH, pod uslovom da korisnik koncesije nije podnio zahtjev u smislu člana 8. osnovnog ugovora.

Ugovor o koncesiji može se raskinuti:

- ako korisnik ne ispuni obavezu u roku utvrđenu u članu 2. stav 2. ovog Aneksa ugovora;
- ako korisnik/davalac koncesije ne ispune druge obaveze utvrđene osnovnim ugovorom i Aneksom osnovnog ugovora;
- ako korisnik koncesije ne plati koncesionu naknadu u roku dužem od šest mjeseci."

Član 18.

Član 23. mijenja se i glasi:

"Ugovor o koncesiji prestaje da važi u roku od 15 dana od dana kada davalac koncesije uruči korisniku koncesije pismeni otkaz ovog ugovora, od posljednjeg dana otkaznog roka koji se u pismenom otkazu odredio korisnik koncesije ili od dana koji sporazumno odrede ugovorne strane."

Član 19.

Član 24. mijenja se i glasi:

"U slučaju raskida ugovora iz razloga utvrđenih odredbama člana 17. stav 3. ovog Aneksa ugovora korisnik koncesije nema pravo na naknadu stvarne štete, ni naknadu izmakle dobiti.

U slučaju raskida ugovora iz razloga utvrđenih odredbama člana 17. stav 3. alineja 1, 2. i 4. ovog Aneksa ugovora Korisnik koncesije nema pravo na povrat uplaćenih novčanih sredstava iz člana 7. stav 4. ovog Aneksa ugovora."

Član 20.

Član 26. briše se.

Član 21.

Član 27. mijenja se i glasi:

"Za slučaj da tokom važenja ovog ugovora dođe do spora između ugovornih strana, ugovorne strane se obavezuju da će sporno pitanje rješavati sporazumno putem ovlaštenih predstavnika u duhu odgovarajućih odredbi Zakona o koncesijama, Zakona o obligacijama, propisa o vodama, ovog ugovora, dobrih poslovnih običaja i poslovnog morala, kao i zaštite javnog interesa, ali ne na štetu korisnika koncesije.

